



Broj: 928/25

Datum: 16.04.2025. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, preporuke Komisije za provođenje postupka javne nabavke utvrđene u Zapisniku o pregledu i ocjeni ponuda broj: 924/25 od 15.04.2025. godine, direktor JP „LOKOM“ d.o.o. Sarajevo, **d o n o s i**

ODLUKU O IZBORU NAJPOVOLJNIJEG PONUDAČA

Član 1.

Prihvata se preporuka Komisije za provođenje postupka javne nabavke i okvirni sporazum za nabavku i sukcesivnu isporuku hemijskih sredstava za održavanje ispravnosti bazenske vode - **LOT 1: Nabavka hemikalija za održavanje ispravnosti bazenske vode**, na period od dvije godine, dodjeljuje se ponuđaču: „HEMIJA PATENTING“ d.o.o. Lukavac, ul. Magistralni put bb, 75300 Lukavac sa cijenom ponude u iznosu od od 49.305,00 KM bez PDV-a, odnosno 57.686,85 KM sa PDV-om.

Član 2.

Izabrani ponuđač se oslobađa naknadnog dostavljanja dokaza iz člana 45. stav (2) Zakona o javnim nabavkama obzirom da su iste dostavljene uz ponudu u skladu sa zahtjevima iz tenderske dokumentacije.

Član 3.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 4.

Protiv ove Odluke dozvoljena je žalba u roku od 10 (deset) dana od dana prijema iste.

Obrazloženje

Postupak za javnu nabavku i sukcesivne isporuke hemijskih sredstava za održavanje ispravnosti bazenske vode, putem otvorenog postupka, pokrenut je Odlukom o pokretanju postupka javne nabavke br. 628/25 od 10.03.2025. godine.

Ukupna procijenjena vrijednost javne nabavke iznosi 59.164,00 KM bez PDV-a.

Shodno članu 16. Zakona o javnim nabavkama predmetni postupak javne nabavke je podijeljen na tri lota, i to: LOT 1 – Nabavka hemikalija za održavanje ispravnosti bazenske vode, LOT 2 – Nabavka hemikalija za tretman bazenske vode i LOT 3 - Nabavka reagenasa za ispitivanje pH vrijednosti, slobodnog i ukupnog hlora. Procijenjena vrijednost javne nabavke za LOT 1 iznosi 49.352,50 KM bez PDV-a.

Obavještenje o nabavci i tenderska dokumentacija su objavljeni na Portalu javnih nabavki dana 13.03.2025. godine u 15:17 sati pod brojem: 269-1-1-43-3-54/25, a sažetak Obavještenja o nabavci objavljen je u „Službenom glasniku BiH – Oglasnik javne nabavke“ br. 17/25 dana: 21.03.2025. godine.

Komisija za provođenje postupka javne nabavke imenovana je Rješenjem broj: 629/25 od 10.03.2025. godine.

Protekom zakonskog roka za dostavljanje ponuda, Zapisnikom o zaprimanju ponuda, broj: 815/25 od 03.04.2025. godine i Zapisnikom o otvaranju ponuda, broj: 816/25 od 03.04.2025. godine,



konstatovano je da je blagovremeno zaprimljena jedna ponuda, i to ponuđača: HEMIJA PATENTING d.o.o. Lukavac, te da nije bilo neblagovremenih ponuda.

Nadalje, u skladu sa članom 65. Zakona o javnim nabavkama, Komisija je izvršila pregled i ocjenu dostavljene ponude, te sačinila Zapisnik o pregledu i ocjeni ponuda broj: 924/25 od 15.04.2025. godine, kojim je utvrdila da ponuda ponuđača HEMIJA PATENTING d.o.o. Lukavac ispunjava kvalifikacione i formalno-pravne uslove tražene u tenderskoj dokumentaciji, te da je ponuda u okviru procijenjene vrijednosti. U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija je izvršila provjeru računske ispravnosti ponude ponuđača HEMIJA PATENTING d.o.o. Lukavac, te konstatovala da u ponudi nije bilo računskih grešaka.

Shodno naprijed navedenom Komisija je, u skladu sa članom 64. stav (1) tačka b) Zakona, izvršila rangiranje prihvatljivih ponuda, i to kako slijedi:

1. HEMIJA PATENTING d.o.o. Lukavac sa cijenom od 49.305,00 KM bez PDV-a.

Tenderskom dokumentacijom u tački 4.13. predviđeno je provođenje e-Aukcije. U skladu sa članom 5. stav (1) Pravilnika o uslovima i načinu korištenja e-Aukcije („Službeni glasnik BiH“, br. 80/23), prije zakazivanja e-Aukcije ugovorni organ u sistem e-Nabavke unosi sve prihvatljive ponude. Članom 4. stav (2) navedenog Pravilnika propisano je da se u slučaju prijema jedne prihvatljive ponude e-Aukcija ne zakazuje.

U skladu sa naprijed navedenim, komisija za javne nabavke, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača HEMIJA PATENTING d.o.o. Lukavac u predmetnom postupku javne nabavke.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema ove Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

Prilog: Kopija Zapisnika o pregledu i ocjeni ponuda broj: 924/25 od 15.04.2025. godine.

JP „LOKOM“ d.o.o. Sarajevo
Direktor

Adnan Šabanović

Dostaviti:

1. HEMIJA PATENTING d.o.o. Lukavac,
2. Službena stranica Preduzeća,
3. U spis predmetne JN,
4. a/a.